

340

Na osnovu člana 349, stav 1. tačka 5. Ustava Socijalističke Republike Bosne i Hercegovine, Predsjedništvo Socijalističke Republike Bosne i Hercegovine izdaje

UKAZ

O PROGLAŠENJU ZAKONA O OBRAZOVANJU
OPŠTINA SARAJEVSKO POLJE I STARI GRAD
SARAJEVO

Proglašava se Zakon o obrazovanju opština Sarajevsko polje i Stari grad Sarajevo, koji je donijela Skupština Socijalističke Republike Bosne i Hercegovine na sjednici Društveno-političkog vijeća od 16. decembra 1977. godine i na sjednici Vijeća opština od 18. decembra 1977. godine.

PR broj 318
18. decembra 1977. godine
Sarajevo

Predsjednik
Predsjedništva SRBIH,
Rato Dugonjić, s. r.

ZAKON

O OBRAZOVANJU OPŠTINA SARAJEVSKO POLJE
I STARI GRAD SARAJEVO

Član 1.

Ovim zakonom obrazuju se opštine, i to:

- 1) opština Sarajevsko polje — sa sjedištem Skupštine opštine u Sarajevu, i
- 2) opština Stari grad Sarajevo — sa sjedištem Skupštine opštine u Sarajevu.

Član 2.

Područje opštine Sarajevsko polje obuhvata naseljena mjesta: Ahatovići, Bojnik, Dobrinja, Dobroševići, Dvor, Gornji Dolac, Mihaljevići, Rajlovac, Rečica, Rečjevo, Sarajevo dio koji pripada ovoj opštini utvrđen granicom određenom u stavu 3. ovog člana, Smiljevići, Zabrđe i Žuč.

Naseljena mjesta iz prethodnog stava izdvajaju se iz područja opštine Novo Sarajevo.

Granica između opštine Sarajevsko polje i opštine Novo Sarajevo počinje od granice opštine Vogošća i opštine Novo Sarajevo na mjestu zvanom Solišta koje čini tromedu između opštine Novo Sarajevo, opštine Sarajevsko polje i opštine Vogošća. Od ove tromede granica ide prema jugu koritom Buča Potoka do organizacije udruženog rada »Zrak«. Odatle granica blago skreće u pravcu jugozapada između parcela broj 2489, 2420 i 2501 k. o. Novo Sarajevo I, s jedne strane, i parcela broj 2417, 2423, 2421, 2493, 2492, 2491, 2490, 2481, 2498, 2487, 2619, 2618, 2494, 2496, 2498 i 2499 k. o. Novo Sarajevo I, s druge strane, do tromede parcela broj 2499, 2500 i 2501 k. o. Novo Sarajevo I. Od ove tromede granica skreće u pravcu jugoistoka, ide granicom između parcela broj 2500, 2647, 2609/1 i 2597/14 k. o. Novo Sarajevo I, s jedne strane i parcela broj 2499, 2611, 2610, 2623/1, 2609/2 i 2597/1 k. o. Novo Sarajevo I, s druge strane, do mjesta zvanog Obad, tj. do četveromede parcela broj 2675/1, 2675/7, 4327/1 i 4327/15. Od ove četveromede granica skreće u pravcu jugozapada istočnom granicom puta od mjesta Obad do tačke gdje ovaj put izlazi na Drinsku ulicu, presijeca Drinsku ulicu do željezničke pruge normalnog kolosijeka. Od ove tačke granica skreće u pravcu zapada i ide sjevernom granicom željezničke pruge normalnog kolosijeka do tačke gdje željeznička pruga presijeca šestu transverzalu. Od ove tačke granica skreće prema

jugu — sredinom šeste transverzale do mosta na rijeci Miljacki, između naselja Čengić Vila II i Otoka. Od mosta skreće u pravcu istoka lijevom obalom rijeke Miljacke do željezničkog mosta na Miljacki (podvožnjak). Od mosta granica skreće prema jugu nasipom željezničke pruge Sarajevo — Višegrad do Kumrovačke ulice. Nastavlja Kumrovačkom ulicom do raskršća Sremske, Prijedorke, Kumrovačke i Kumanovske ulice. Od ove tačke produžava Kumanovskom ulicom, izlazi na Milinkladsku i dalje produžava Milinkladskom ulicom do tačke gdje se sastaju ulice Milinkladska i Ozrenska. Od ovog mjesta granica skreće u pravcu zapada, ide južnom stranom Ozrenske ulice do mjesta Bogoševac. Od Bogoševca nastavlja na jugozapad granicom parcela 15, 14, 13, 11 i 10 k. o. Lukavica, s jedne strane, i parcela broj 17, 19, 268, 270, 271, 272, 290 i 305 k. o. Lukavica, s druge strane, do kasarne »Slaviša Vajner Čiča« i produžava zapadnom stranom kasarne do potoka »Tilava«. Odatle ide uzvodno potokom »Tilava«, do tromede parcela 2273/2, 2271 i 3149. Od ove tromede se odvaja u pravcu juga, presijeca Lukavičku cestu, a zatim izlazi na Kasindolsku cestu, istom produžava u pravcu jugozapada do mjesta Bijelo Polje odnosno do granice opština Novo Sarajevo i Ilidža.

Član 3.

Područje opštine Stari grad Sarajevo obuhvata naseljena mjesta: Barice, Blizanci, Buložići, Donje Biosko, Donje Meduše, Dovlići, Faletići, Gornje Biosko, Gornje Meduše, Hreša, Kumane, Niemanica, Moćioći, Sarajevo dio koji pripada ovoj opštini utvrđen granicom određenom u stavu 3. ovog člana, Studenkovići i Vučija Luka.

Naseljena mjesta iz prethodnog stava izdvajaju se iz područja opštine Centar Sarajevo.

Granica između opštine Stari grad Sarajevo i opštine Centar Sarajevo ide od sastava granice opštine Centar Sarajevo i naseljenog mjesta Srednja, u pravcu juga uzvodno potokom Skakavac do donjeg izvora na mjestu zvanom »Bijela Ravna«, a zatim skreće u pravcu zapada i ide u izlomljenoj liniji putem, a zatim kosom pored Lubinog dola do tromede parcela 1042/20, 1042/21 i Sol. k. o. Nahorevo, skreće na jug i ide u izlomljenoj liniji granicom parcela Sol. 811, 808, 829, 833/1 k. o. Nahorevo, koje ostaju naseljenom mjestu Viča i parcela 800/3, 800/2, 815, 831/1, 813/2, 812/2, 812/3, 827/1, 833 2, 762 2 k. o. Nahorevo koje ostaju naseljenom mjestu Moćioći do tromede parcela 762/2, 761/1, 823/1 koja leži u potoku, dalje ide niz potok koji prolazi kroz parcelu 703/1 k. o. Nahorevo i ide do njegovog ušća u Baznični potok na mjestu Viča, Moćioći i Nahorevo, nastavlja uzvodno potokom do mjesta »Zenik«, a zatim nastavlja putem u pravcu zapada do izvora potoka Grončanica pod Zenikom, dalje ide niz krak potoka Grončanica do njegovog ušća u glavni potok Grončanica, zatim produžava uzvodno potokom Grončanica do tromede naseljenih mjesta Moćioći, Nahorevo i Mrkovići koja leži do mjesta zvanog »Kravačevica«, gdje ovaj potok siječe put za Moćioce, što je zajedno i tromeda naseljenih mjesta Mrkovići, Biosko Gornje i Barice. Produžava putem koji vodi za Donje Mrkoviće do mjesta trigonometrijske tačke Gradac, skreće na potok i opasujući vrh Gradca izlazi na put koji vodi za Barice, nastavlja tim putem u pravcu juga do mjesta gdje ovaj put prelazi potok Skakavac, gdje ide nizvodno potokom Skakavac do mjesta gdje ovaj potok ulazi u »Ljuti potok« na mjestu zvanom Stanovnice, a zatim produžuje u pravcu juga putem koji vodi za Sedrenik do tromede naseljenih mjesta Mrkovići, Barice i opštine Centar Sarajevo,

koja leži na raskršću puteva kod izvora »Fatijina česma«; nastavlja u pravcu juga putem do raskršća puteva za Pašino brdo, Sedrenik i Grdonj, gdje se nalazi tromeda naseljenog mjesta Barice i granica opština Centar Sarajevo i Stari grad Sarajevo; produžava putem za Panjinu kulu do raskršća ovoga puta sa Ulicom Sedrenik. Nastavlja desnom stranom Ulicom Sedrenik u pravcu zapada do mjesta gdje Ulica Sedrenik prelazi Čadordžin potok pa produžuje u pravcu juga nizvodno Čadordžinim potokom do Ulice porodice Foht, produžuje Ulicom porodice Foht s tim da cijela ova ulica pripada opštini Stari grad Sarajevo, a zatim ide Hajduk Veljkovom ulicom, s tim da čitava ova ulica pripada opštini Stari grad do raskršćnice ulica Hajduk Veljkove i Potoklinice i produžuje u pravcu zapada Potoklinicom ulicom do njenog raskršća sa Ulicom Vuka Karadžića, s tim da obje strane Potoklinice ulice pripadaju opštini Stari grad Sarajevo. Ovdje granica presijeca Ulicu Vuka Karadžića tako da parni brojevi od 2 do 4 i neparni brojevi od 1 do 15 zaključno pripadaju opštini Stari grad Sarajevo i nastavlja Ulicom Mehmed paše Sokolovića od raskršća sa Ulicom Nikole Tesle s tim da parni brojevi od 6 pa dalje i neparni od 11 pa dalje u Ulici Mehmed paše Sokolovića pripadaju opštini Stari grad Sarajevo, produžuje ulicama Nikole Tesle i Dije Glavica s tim da obje navedene ulice pripadaju opštini Stari grad Sarajevo, presijeca Titovu ulicu, ide preko Gajevog trga, s tim da parni brojevi ove ulice pripadaju opštini Stari grad Sarajevo, a neparni opštini Centar Sarajevo, siječe Ulicu Vase Miskina, nastavlja Ulicom Petra Preradovića koja u cjelini pripada opštini Centar Sarajevo, dok Trg oslobođenja pripada opštini Star grad Sarajevo siječe Ulicu JNA produžuje Ulicom Zmaj Jovinom koja cijela pripada opštini Centar Sarajevo, siječe Obalu i prelazi Miljacku na Drvenija mostu, presijeca Dobrovoljačku ulicu, nastavlja Ulicom Save Skarića koja cijela pripada opštini Stari grad Sarajevo, presijeca Ulicu Mjedenicu i nastavlja Ulicom Zagrići, presijeca željezničku prugu Sarajevo — Višegrad i produžava dalje Ulicom Zagrići koja cijela pripada opštini Stari grad do raskršća sa Zelengorskom ulicom, ide Zelengorskom ulicom koja cijela pripada opštini Stari grad Sarajevo do raskršća sa putem Sarajevo — Jahorina gdje se nalazi tromeda opština Centar Sarajevo, Stari grad Sarajevo i Novo Sarajevo.

Član 4.

Opštine Sarajevsko polje i Stari grad Sarajevo počinju sa radom danom konstituisanja skupština ovih opština, nakon delegiranja odnosno izbora delegata iz člana 6. ovog zakona.

Član 5.

Skupština opštine Novo Sarajevo — za opštinu Sarajevsko polje, odnosno Skupština opštine Centar Sarajevo — za opštinu Stari grad Sarajevo, donijete odluke na osnovu kojih će se izvršiti delegiranje odnosno izbor delegata u vijeća Skupštine opštine Sarajevsko polje, odnosno u vijeća Skupštine opštine Stari grad Sarajevo, i to:

1. odluku o broju delegata u vijećima skupštine,
2. odluku o utvrđivanju broja delegata koji delegira svaka delegacija odnosno više delegacija osnovnih samoupravnih organizacija i zajednica,
3. odluku o utvrđivanju područja naseljenih mjesta za koja će se voditi opšti birački spisak, i
4. odluku o imenovanju opštinske izborne komisije.

Član 6.

Delegiranje odnosno izbor delegata u vijeća skupština opština Sarajevsko polje i Stari grad Sarajevo

izvršće se na redovnim izborima u 1978. godini, na osnovu odluke o raspisivanju izbora za delegiranje odnosno izbor delegata u vijeća skupština opština na teritoriji Socijalističke Republike Bosne i Hercegovine.

Konstituisanje skupština opština iz prethodnog stava izvršće se na dan koji bude određen za delegiranje odnosno izbor delegata u vijeća Skupštine SRBiH.

Član 7.

Opštinski sud I u Sarajevu, Opštinsko javno tužilaštvo I u Sarajevu, Okružni privredni sud u Sarajevu, Sud udruženog rada u Sarajevu, kao i drugi organi i organizacije obrazovani zakonom za područja opština Novo Sarajevo i Centar Sarajevo, obuhvataju i područja opština Sarajevsko polje i Stari grad Sarajevo, ako zakonom nije drukčije određeno.

Član 8.

Ovlašćuje se republički sekretar za pravosuđe i organizaciju uprave da donese propis o načinu primopredaje predmeta, arhive i druge dokumentacije između opštine Sarajevsko polje i opštine Novo Sarajevo, kao i između opštine Stari grad Sarajevo i opštine Centar Sarajevo.

Član 9.

Ovaj zakon stupa na snagu osmog dana od dana objavljivanja u »Službenom listu SRBiH«.

341

Na osnovu člana 349. stav 1. tačka 5. Ustava Socijalističke Republike Bosne i Hercegovine, Predsjedništvo Socijalističke Republike Bosne i Hercegovine izdaje

UKAZ

O PROGLAŠENJU ZAKONA O SVOJINI NA DIJELOVIMA ZGRADA

Proglašava se Zakon o svojini na dijelovima zgrada koji je donijela Skupština Socijalističke Republike Bosne i Hercegovine na sjednici Vijeća udruženog rada od 16. decembra 1977. godine i na sjednici Društveno-političkog vijeća od 16. decembra 1977. godine.

PR broj 307

16. decembra 1977. godine
Sarajevo

Predsjednik

Predsjedništva SRBiH,
Rato Dugonjić, s. r.

ZAKON

O SVOJINI NA DIJELOVIMA ZGRADA

I — OPSTE ODREDBE

Član 1.

Ovim zakonom uređuje se pravo svojine na posebnim dijelovima zgrada (u daljem tekstu: etažna svojina), i prava i obaveze vlasnika posebnih dijelova zgrada (u daljem tekstu: etažni vlasnici) u pogledu korišćenja, upravljanja i raspolaganja na posebnim dijelovima zgrada.

Odredbe ovog zakona koje se odnose na etažne vlasnike, primjenjuju se i na nosioce prava raspolaganja na posebnim dijelovima zgrada u društvenoj svojini, ako ovim zakonom nije drukčije određeno.